

هوڠ ليونڠ م.س.ا.ج. نكافل



HongLeong MSIG Takaful

HLM Takaful i-Kudrat

Hadiah Buat Yang Tersayang



Untuk maklumat lanjut, sila hubungi 03-7650 1800
Layari www.hlmtakaful.com.my

BestBrands in Takaful Solutions
The Brandlaureate World Halal
Best Brands Awards 2018

Untuk Anda, Demi Yang Tersayang

Menginjak ke usia tua adalah suatu pencapaian besar buat kebanyakan orang, dan cara terbaik untuk melangkah ke usia emas adalah dengan memiliki perlindungan yang sewajarnya semasa di usia senja, dan di masa yang sama memastikan kebajikan yang tersayang turut terpelihara. Ia bukanlah sesuatu yang mudah untuk dilaksanakan kerana untuk mendapatkan pelan perlindungan menjadi semakin sukar apabila usia kita semakin meningkat.

Oleh sebab itu, Hong Leong MSIG Takaful Berhad (“HLM Takaful”) memperkenalkan HLM Takaful i-Kudrat, pelan Takaful endowmen sumbangan tetap yang melindungi anda sehingga berumur 80 tahun.

Pelan ini bukan sahaja membayar anda manfaat kematangan untuk kesesuaian di hari tua, malah ia juga meninggalkan legasi untuk yang tersayang agar dapat membantu mengurangkan beban kewangan mereka apabila anda telah tiada. Pendaftaran pelan ini adalah sangat mudah kerana tiada soalan kesihatan, tiada caj tambahan atau pemeriksaan perubatan rumit diperlukan.

Dengan pelan HLM Takaful i-Kudrat, yakinlah bahawa anda tidak pernah terlalu tua untuk menyertai pelan perlindungan di bawah Takaful.

MENGAPA HLM TAKAFUL i-KUDRAT?



Legasi untuk Yang Tersayang

Meninggalkan legasi kepada yang tersayang apabila anda telah tiada amat bermakna agar beban kewangan waris dapat diringankan atau untuk membayar kos pengebumian anda. Kami menyediakan Manfaat Kematian terjamin¹ yang bersamaan dengan Jumlah Dilindungi Asas atau jumlah sumbangan dibayar, yang mana lebih tinggi. Jika kematian yang bukan disebabkan kemalangan berlaku semasa 2 tahun pertama daripada tarikh permulaan atau mana-mana tarikh pengembalian semula sijil, yang mana kemudian, hanya jumlah sumbangan dibayar sahaja yang akan dibayar.

Jika kematian berlaku tanpa dijangka akibat kemalangan, waris anda akan menerima Manfaat Kematian Akibat Kemalangan terjamin¹ berikut sebagai tambahan kepada Manfaat Kematian:

| Umur semasa Kematian | % dari Jumlah Dilindungi Asas |
|----------------------|-------------------------------|
| 40 – 65 | 300% |
| 66 – 80 | 150% |

¹ Bayaran manfaat ini adalah tertakluk kepada terma dan syarat yang dinyatakan dalam sijil Takaful.

Tempoh Bayaran Fleksibel

Bukankah anda ingin berehat dan bersantai tanpa komitmen kewangan yang membebankan di usia emas kelak? Kami menyediakan pilihan kepada anda untuk membayar sumbangan selama 10 tahun sahaja dan dilindungi sehingga anda berumur 80 tahun. Bergantung kepada keperluan anda, anda juga boleh memilih untuk membayar sehingga akhir tempoh perlindungan dengan jumlah sumbangan yang lebih mampu.



Penyertaan Mudah

Ia sememangnya mudah kerana anda tidak perlu menjalani sebarang pemeriksaan perubatan atau menjawab soalan kesihatan yang panjang.

Manfaat Kematangan

Apabila sijil anda matang pada umur 80 tahun, Jumlah Dilindungi Asas atau jumlah sumbangan dibayar, yang mana lebih tinggi, akan dibayar sebagai Manfaat Kematangan. Anda boleh berbelanja keseluruhan jumlah ini sepanjang usia emas anda.



Khairat Kematian

Perbelanjaan pengebumian mungkin agak mahal dan tuntutan penuh dari pelan insurans atau Takaful anda biasanya mengambil masa yang lama sebelum dibayar. Seiring dengan maksud Takaful, kami menyediakan bantuan dengan memberikan pra-bayaran sebanyak 10% daripada Manfaat Kematian selepas menerima sijil pengebumian apabila berlaku kematian (selain kematian yang bukan disebabkan kemalangan berlaku semasa 2 tahun pertama daripada tarikh permulaan atau mana-mana tarikh pengembalian semula sijil, yang mana kemudian).

Perkhidmatan Nilai Tambahan

Kami boleh menguruskan untuk menunaikan tanggungjawab keagamaan atau kebajikan bagi pihak anda setelah anda meninggal dunia, di mana sejumlah amaun akan ditolak dari manfaat Takaful yang perlu dibayar di bawah sijil anda dan membayarnya kepada penyedia perkhidmatan yang dilantik oleh kami. Butiran perkhidmatan adalah seperti yang disenaraikan di bawah:



| Perkhidmatan | Jumlah (RM) | Penerangan |
|---------------------------|--------------------|--|
| Badal Haji (untuk Muslim) | 3,500 ² | Bermaksud melaksanakan rukun Haji di Mekah bagi pihak mereka yang tidak dapat melaksanakan Haji dengan sendirinya disebabkan oleh penyakit, usia tua atau mati. |
| Wakaf | 500 | Bermaksud pemberian sebahagian daripada harta secara sukarela, kekal dan tidak boleh diubah untuk tujuan kebajikan. |
| Korban (untuk Muslim) | 750 ² | Bererti menjalankan "Ibadah Korban" termasuk pembelian dan penyembelihan binatang sembelihan seperti kambing, kambing biri-biri, lembu dan unta bagi pihak anda. |

INFO LANJUT MENGENAI HLM TAKAFUL i-KUDRAT

| | |
|-----------------------------|---|
| Umur Kemasukan | 40 tahun - 70 tahun |
| Tempoh Pembayaran Sumbangan | Pilihan 10 tahun (Pembayaran Terhad) atau bayar sehingga akhir tempoh perlindungan (Pembayaran Penuh) |
| Tempoh Perlindungan | Sehingga 80 tahun |

Jumlah Dilindungi Asas

| Umur Kemasukan | 1 unit = RM10,000 | |
|----------------|-------------------|----------|
| | Minimum | Maksimum |
| 40 - 49 | 1 unit | 10 unit |
| 50 - 59 | | 7 unit |
| 60 - 70 | | 5 unit |

² Tertakluk kepada harga pasaran tahunan semasa perkhidmatan dijalankan.

YURAN & CAJ

Yuran Wakalah

Yuran Wakalah adalah yuran pentadbiran kami yang ditolak daripada sumbangan untuk membayar perbelanjaan pengurusan dan kos pengedaran langsung, termasuk komisen. Peratusan Yuran Wakalah berbeza dengan tempoh pembayaran sumbangan dan tahun sijil seperti yang ditunjukkan di bawah:

| % daripada Sumbangan | Tahun Sijil | | | |
|---|-------------|--------|--------|----------------------|
| Tempoh Pembayaran Sumbangan (CPT) (tahun) | 1 | 2 | 3 | 4 sehingga akhir CPT |
| 10 | 45.00% | 23.00% | 19.00% | 12.00% |
| 11 | 46.00% | 24.00% | 20.00% | 12.00% |
| 12 | 47.00% | 25.00% | 20.00% | 12.00% |
| 13 | 48.00% | 25.00% | 20.00% | 12.00% |
| 14 | 49.00% | 26.00% | 20.00% | 12.00% |
| 15 | 50.00% | 27.00% | 21.00% | 12.00% |
| 16 | 51.00% | 27.00% | 21.00% | 12.00% |
| 17 | 52.00% | 28.00% | 21.00% | 12.00% |
| 18 | 53.00% | 28.00% | 21.00% | 12.00% |
| 19 | 54.00% | 29.00% | 22.00% | 12.00% |
| ≥20 | 55.00% | 30.00% | 22.00% | 12.00% |

Tabarru'³

Tabarru' yang telah ditentukan berdasarkan tempoh pembayaran sumbangan dan tahun sijil akan ditolak daripada sumbangan. Kadar Tabarru' adalah tidak kekal pada tahap yang sama dan tidak dijamin. Jumlah Tabarru' adalah bersamaan dengan sumbangan ditolak Yuran Wakalah.

Caj Serahan

| Tahun Sijil | % daripada Nilai Serahan Tunai |
|-------------|--------------------------------|
| 1 – 3 | 30% |
| 4 – 8 | 25% |
| 9 – 39 | 15% |
| 40 | 0% |

³ Kami berhak untuk menyemak semula yuran dan caj dengan memberi notis bertulis kepada Peserta 90 hari sebelum ulang tahun sijil berikutnya.

SOALAN LAZIM

1. Apakah maksud Takaful?

Istilah 'Takaful' merujuk kepada skim berdasarkan persaudaraan, perpaduan dan saling membantu yang menyediakan bantuan dan pertolongan kewangan kepada peserta-peserta sekiranya diperlukan di mana peserta-peserta bersetuju untuk menyumbang untuk tujuan tersebut. Setiap peserta bersetuju untuk menyumbang berdasarkan *Tabarru'* (derma) yang disatukan untuk memberi manfaat semasa berlakunya kejadian malang yang dialami oleh mana-mana peserta.

2. Bolehkah anda memberitahu lebih lanjut mengenai dana di bawah HLM Takaful i-Kudrat?

Terdapat hanya satu dana di bawah produk ini iaitu Dana Risiko Peserta (PRF). Sumbangan yang dibayar selepas ditolak Yuran Wakalah akan disalurkan ke dalam PRF sebagai *Tabarru'* untuk menyediakan manfaat Takaful di bawah produk ini. Semua manfaat Takaful iaitu Manfaat Kematian, Manfaat Kematian Akibat Kemalangan, dan Manfaat Kematangan dibayar daripada PRF. Sebarang kelebihan daripada PRF akan diagihkan dalam nisbah 50:50 di antara pengendali Takaful (berdasarkan prinsip Ju'alah) dan peserta yang layak.

3. Apakah proses permohonan untuk HLM Takaful i-Kudrat?

Proses permohonan adalah mudah dan ringkas. Anda tidak perlu menjawab sebarang soalan kesihatan atau melakukan sebarang pemeriksaan kesihatan. Anda hanya perlu mengisytiharkan bahawa anda:

- sihat secara mental dan mampu menjawab soalan semasa temuduga; dan
- buat masa ini tidak diwadkan di Unit Rawatan Rapi (ICU), Unit Rawatan Kritikal (CCU), Unit Rawatan Separa Rapi (HDU), atau terlantar sakit.

4. Apakah rider yang tersedia untuk meningkatkan perlindungan saya?

Tiada rider yang boleh dilampirkan kepada HLM Takaful i-Kudrat.

5. Berapakah yang perlu saya bayar dan apakah mod dan cara pembayaran sumbangan?

Jumlah sumbangan yang perlu anda bayar adalah bergantung kepada umur, jantina dan tempoh pembayaran sumbangan. Jumlah sumbangan adalah kekal sepanjang tempoh pembayaran sumbangan. Sila rujuk kepada Ilustrasi Manfaat untuk maklumat lanjut. Anda boleh membayar sumbangan anda secara tahunan, separa tahunan, suku tahunan atau bulanan melalui tunai, kad kredit, debit terus, arahan tetap dan Biro Perkhidmatan Angkasa (BPA).

6. Apakah pengecualian untuk HLM Takaful i-Kudrat?

- Manfaat Kematian tidak akan dibayar untuk kematian akibat secara langsung atau tidak langsung dari bunuh diri dalam tempoh dua belas (12) bulan dari tarikh permulaan atau mana-mana tarikh pengembalian semula sijil, yang mana kemudian.
- Manfaat Kematian akibat Kemalangan tidak akan dibayar untuk kematian akibat kemalangan yang disebabkan secara langsung atau tidak langsung oleh kecederaan diri sendiri semasa siuman atau tidak siuman, rusuhan dan kekecohan awam, mogok atau kegiatan pengganas, peperangan, diisytiharkan atau tidak diisytiharkan, revolusi atau sebarang operasi perang.

Nota: Senarai ini tidak lengkap. Sila rujuk sijil Takaful untuk senarai lengkap pengecualian.

7. Apakah yang berlaku jika saya menamatkan sijil saya lebih awal?

Anda boleh menyerahkan sijil anda dengan mengembalikan sijil kepada kami berserta notis bertulis yang ditandatangani oleh anda. Nilai serahan tunai daripada PRF (jika ada) ditolak caj serahan akan dibayar. Anda akan kehilangan manfaat di bawah sijil anda dan amaun yang akan dibayar kepada anda mungkin kurang berbanding jumlah sumbangan yang telah anda bayar.

8. Adakah sumbangan yang dibayar untuk HLM Takaful i-Kudrat layak untuk pelepasan cukai pendapatan?

Ya. Anda layak mendapat pelepasan cukai peribadi di bawah "Insurans Hayat dan EPF" bagi sumbangan yang dibayar, tertakluk kepada keputusan muktamad Lembaga Hasil Dalam Negeri Malaysia.

NOTA PENTING

1. Risalah ini memberikan ringkasan tentang ciri-ciri utama produk ini dan tidak membentuk satu sijil Takaful. Anda hendaklah membaca Helaian Pendedahan Produk dan Ilustrasi Manfaat untuk maklumat tambahan dan sijil Takaful untuk terma dan syarat lengkap di bawah produk ini.
2. Anda harus berpuas hati bahawa pelan ini adalah yang terbaik untuk memenuhi keperluan anda dan sumbangan yang perlu dibayar di bawah sijil adalah dalam kemampuan anda.
3. Anda harus memberikan maklumat yang mencukupi dan tepat supaya nasihat yang sesuai dan kesesuaian produk untuk memenuhi keperluan dan keadaan anda boleh diberikan kepada anda.
4. Anda boleh membatalkan sijil anda dengan mengembalikan sijil dalam tempoh bertenang selama 15 hari selepas sijil telah dihantar kepada anda. Sumbangan yang telah anda bayar akan dikembalikan kepada anda.
5. Anda diberi tempoh ihsan selama 30 hari dari tarikh akhir pembayaran sumbangan. Tidak membayar sumbangan selepas tempoh ihsan boleh menyebabkan pengurangan atau penamatan awal perlindungan anda. Sila rujuk sijil Takaful untuk maklumat lanjut.
6. Penyertaan dalam sijil Takaful Keluarga sumbangan berkala adalah suatu komitmen jangka panjang. Adalah tidak dianjurkan untuk memegang pelan ini untuk tempoh masa yang singkat memandangkan kos permulaan yang tinggi.
7. Jika anda membatalkan sijil anda lebih awal, anda mungkin akan menerima amaun sedikit daripada yang telah disumbangkan.
8. Sijil ini tidak akan memberikan apa-apa bayaran daripada PRF apabila penamatan awal sijil kecuali nilai serahan tunai.
9. Semua umur yang disebut dalam risalah ini adalah berdasarkan pada harijadi akan datang.
10. Jika anda memerlukan maklumat tambahan tentang Takaful Keluarga, sila rujuk risalah *insuranceinfo* mengenai "Takaful Keluarga" di mana-mana cawangan kita, atau lawati www.insuranceinfo.com.my.
11. Hong Leong MSIG Takaful Berhad merupakan Pengendali Takaful yang dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

Untuk maklumat lanjut, sila hubungi ejen HLM Takaful yang peramah hari ini!



Diunderait oleh:

Hong Leong MSIG Takaful Berhad 200601018337 (738090-M)

Hong Leong MSIG Takaful Berhad merupakan ahli Perbadanan Insurans Deposit Malaysia (PIDM). Sebagai ahli PIDM, beberapa manfaat yang diinsuranskan di bawah sijil Takaful yang ditawarkan oleh Hong Leong MSIG Takaful Berhad dilindungi oleh PIDM daripada kehilangan sebahagian atau kesemua manfaat Takaful, sekiranya berlaku kegagalan sesebuah ahli penginsurans. Untuk maklumat lanjut mengenai had-had perlindungan dan skop perlindungan, sila dapatkan risalah maklumat PIDM dari Hong Leong MSIG Takaful Berhad atau layari laman web PIDM (www.pidm.gov.my) atau hubungi talian bebas tol PIDM (1-800-88-1266).



Ibu Pejabat

Tingkat 5, Menara B, PJ City Development,
No. 15A, Jalan 219, Seksyen 51A,
46100 Petaling Jaya,
Selangor, Malaysia.
Tel: 03-7650 1800 Faks: 03-7620 6730

Untuk keterangan lanjut, sila layari www.hlmtakaful.com.my